



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,
*manè discutienda, in Scholis Medicorum, die Jovis decimâ-secundâ
mensis Decembris, anno Domini M. DCC. LXV.*

M. LUDOVICO-MARIA POUSSE, Equite
& Censore Regio, Doctore Medico, Præsidente.

An ad sanandos chronicos affectus, sit ut plurimum excitanda febris?

I.



UM morborum insultibus pateat undequâque corpus, natura operi suo semper invigilans suas adhibuit artes ut, si quæ materia morbifica insidiosè per viscera subreperet, statim conspirantibus œconomix animalis viribus, aut subacta eliminaretur, aut conversa in melius functionum harmoniam nequaquam laderet. Id beneficii repertum in febre quæ, dum optima

A

morborum medicatrix haberi debet, mille laceſſita calumniis eam obtinuit
 famam, ut corporis in perniciem ſuos ignes intenderet: hinc evenit ut pro vario
 aſpectu variæ fuerint febris definitiones. Apud quosdam febris habebatur veluti
 ignis qui, dum vim in corde expanderet, cogeſcit fibras ad frequentiores,
 vegetioresque contractionis niſus. Alii ab exploſione molecularum nitroſarum
 ortum febris duxere. Poſtea placuit Chemiſtis à fermentatione febris na-
 turam & effectus deducere. Nos verò ad rei naturam attendentes, ſolaque
 febris præſentis in corpore phænomena conſiderantes, illius eſſentiam poni-
 mus in acceleratione pulſus cum majori vel minori functionum læſione;
 febrimque vocamus naturæ instrumentum quo partes impuras à puris ſecer-
 nat. Reverà nonne in morbis quibuſdam cum bonis ægri rebus fe-
 bri, ut ita dicam, pabulum ſubminiſtrari debet. In variolis dum languet
 humorum motus, dum torpida jacet vaſorum viſ ſyſtaltica, difficile eva-
 dit morbi iudicium. Ad cutem ægrè appellit materia morbiſica; hæſque
 inter anguſtias natura artis potentiam invocat, ut ſuſcitato vaſorum tono
 utilior promoveatur ſecretio. In morbis ſoporofiſ ſpes clinicorum erigi in-
 cipit, quando febre corripitur ægrotans. His poſitis quid febris poſſit in
 corpore humano efficere, paucis perpendamus. Primus effectus erit in-
 rentior fibrarum tonus, ſecundus erit materiæ inimicæ agitatio, ſubac-
 tio, coctio, & hinc patet immutationem humorum in novam aliquam
 diatheſim pendere ab auctâ vaſorum vi ſyſtalticâ. Cum autem in per-
 ſecto ſanitatæ æquilibrio, varii humorum elaborationis gradus ſpeciale
 poſtulent ſolidorum actionem, dum morboſus ingruit ſtatus, id continget ut,
 cum incurrat in parietes vaſorum inimicus humor, ſolidorum tonus ad abſol-
 vendam materiæ heterogeneæ coctionem intendi debeat, & mediante iſto toni
 augmento fiet aut eliminatio, aut aſſimilatio. Hinc manifeſtum eſt quot bona
 conferat febris: hinc ad debellandos affectus chronicos tutior medela videbitur;
 ſed priuſquam huiuſce rei probationem aggrediamur, conſiderare eſt quid
 ſint morbi chronici, à quibus cauſis originem ſortiantur, & quales in illis
 curandis ſeſe offerant indicationes.

I I.

* Sydenh.
 page 472.

» **M**ORBI chronici appellantur iſti qui vel non omninò, vel tardè
 » admodum, & longâ temporis morâ, ad coctionem pertinent.* In
 » illis morbis, ut ait Celfus, neque ſanitas in propinquo, neque exitium eſt.
 » Quemadmodum ætatibus variæ adſcribuntur Phaſes, ita & affectibus chro-
 » nicis, qui diſiſcuntur in chronicos acutos & momentaneos ut epilepſia,

in lentos seu propriè dictos, in febriles, & in chronicos post acutos supervenientes. Sunt etiam permulti morbi chronici ubi major adest infarctus, minor vero erethismus. Sed *estimatio causa saepe morbum solvit*. Causas igitur chronicorum venemur. Causæ illæ sunt humorum *indigestio*, stasis, solidorum laxitas, & aliquandò quædam rigiditas. Sex rerum non naturalium errores, coctionesque læsæ fomitem quoque chronicorum suppeditant. Porro concilietur solidis nimia laxitas, sero diffuent fibrarum stamina, requisitoque ad liberum functionum corporis exercitium tono carebunt. Sed vitium illud spectari potest vel quoad fibram, vel quoad vasa. Ut semel exstiterit, vis fibrarum tonica imminuetur: hinc minor elasticitas in fibris quæ non sunt musculares, minor verò *contractilitas*, in fibris quæ musculares; & fluida jam non validis vasorum ictibus everberata, moras nectent in vasis, quæ mora attractioni favebit quæ inter unamquamque humorum moleculam existit, & hinc spissitudo: tunc fluidorum pars tenuior divortium meditabitur, sui que juris facta, fibras jam sero luxuriantes magis ac magis alluet, adeo ut legitimi vix supersint toni vestigia; tunc variis modis lædetur humorum coctio, & quæ tantum confert sanitati, per spiratio, partim sufflaminabitur. Hinc cachexia, cacochimia, hydrops, omnes denique morbi à ferossâ colluvie. Quidam autem morbi chronici, ut epilepsia, melancholia, à fibræ rigiditate ortum repetent. Hanc tamen rigiditatem veluti causam primariam habendam esse non statuimus. Huic duntaxat inhæremus, scilicet, quod memorata rigiditas existat apud illos qui hisce morbis vexantur: aliundè verissimile est delitescere in humoribus materiam quamdam de cujus naturâ multùm disceptatur. Admissâ semel illâ materiâ seu acidâ, ut volvere quidam auctores, seu alteriûs cujuslibet indolis, evidentèr patebit rigiditatis ratio. Sed dum rigent solida majorem *irritabilitatis* gradum adipiscuntur: hinc mirum videri non debet exquisitissimo sensu pollere fibrâ hipocondriacorum & epilepticorum, & id probat rigiditatem posse haberi veluti causam efficientem quorundam chronicorum, quod nempè composito fibræ orgasmo non eadem vi sæviat malum, sæpè compescatur, aliquandò etiam tollatur. Nonne in praxi observare datur quasdam obstructions quæ, cùm sibi comitem adjungant spasnum, contra artis medicæ aculeos quasi recalcitrant, donec evanescit rigiditas. Sed ne divagemur, alias morborum chronicorum causas revocemus? Sæpè ex acutis natales mutantur. Quando naturæ vires defuere ut legitimam absolveret coctionem, timendum est, ut ait Hippocrates, ne, quod imperfectè judicatum est, recidivas faciat. Tunc morbi residuum in viis circulatoriis superstes procreat affectus chronicos febriles, quorum nomen variat pro

vario visceris affecti nomine. His positis, certum est humores posse peccare ob nimiam spissitudinem, & hinc obstructio, aut propter dissolutionem, ut in scorbuto. Sed alias causas de industriâ omittimus, cum omnes ex pravâ tum solidorum tum fluidorum diathesi oriantur. Nunc liquet quânam adimpleri debeant indicationes. Si adsit spissitudo pendens ab imminutâ fibrarum actione, hæc collimare est, ut exsuscitetur tonus. Si adsit rigiditas, ut primò minuatur tonus, secundò ut fibris addatur is stimulus quo materia spasmus gignens foràs abigi queat. Tandem si dissolutio fluidorum, ut materiæ heterogenæ, quæ præpediunt liberam humorum cohesionem, expellantur. Nunc ad hæc, quid febris?

I I I

» SOLA febris intemperiem frigidam oppugnando expugnat, humo-
 » remque crudum exhaurit, nervorum principio, ipsisque nervis ro-
 » bur conciliat, spiritibus viam munit; quorum appulsu pars unaquæque
 » fit expedita & alacris ad movendum & sentiendum. * Ipsa autem febris
 » facit liberè, liberalitè, & citò exire malum, quod intus lædit, per
 » sudores confertim prurptos. Unde primum certa est ægris, nec insi-
 » diosa levatio, mox inde perfecta restitutio. * Reipsâ jam non idem est
 in solidis toni gradus, horum intenditur elater, & quâ proportionem cres-
 cit vis elastica, eadem augetur fibræ vibratilitas. Cum verò circulatorii
 motus efficacia sit in ratione compositâ horumce effectuum, hincque pen-
 deat fluidorum crasis, novus succedit rerum ordo. Jam evanuit solidorum
 inertia & liquores nostri magis ac magis ad novam indolem vergunt; (hic
 duntaxat de liquoribus alterationi jam proximis loquor.) Dum ab auctis
 solidorum viribus novas fluida assument mutationes, supponi necessariò debet
 coctio quædam quam si quis in dubium revocat, naturam sedulò scrutetur.
 Nonne ex omnium morborum judicio veritas illa elucescit, & liquidam ad-
 sint morbi in quibus manifesto signorum apparatu non sese prodit crisis,
 hanc subsidentiam referas ad infirmam seu oculorum, seu mentis aciem, tunc
 per tenuissimos corporis mæandros citra ullam evacuationis sensibilis no-
 tam in auras avolvit materia morbifica. Veritas hæc pertinet etiam ad
 morbos inflammatorios qui per faustam resolutionis viam sanantur. Non
 inferre animus est stata ac definita crismum tempora eodem incedere gressu
 quo observabantur a veteribus, quin etiam affirmare auderem à sagace
 Medico posse naturam, dum moras nescit, stimulis excitari ad opus, dum
 nimis præceps est, frænâ prudentèr compesci. Sed in statu naturali variæ

* Duret. in
 coac. p. 368.

* Id. p. 277.

functiones nihil aliud sunt quàm variæ crîsum species. Aliudne institueret iter natura, dum morbus adest? Chronicis igitur affectibus præficient erises, & dum mediante febris motu his in morbis materialium heterogeneorum perficitur coctio, inimicus humor eam assequitur tenuitatem quâ commodè aut excerni queat, aut converti in materiam ab humorum indole non omninò discrepantem. Si materiæ morbificæ evacuationem molitur natura, (quod semper accidit, licet enim locum habuerit assimilatio; supersunt enim fæces quæ, si intra sanguinis alveum retinerentur, turbas ingentes concitarent.) Pars puriformis, si fas ita loqui, miscebitur cum materiâ quæ nondum præscriptos coctinis limites adepta fuit, & cum eâ foras eliminabitur; plerorumque enim chronicorum origo pendet ex eo quod, dum intempestivo medicamentorum usu turbatur naturæ opus, coctio imperfecta remaneat, & coctionis imperfectio referenda est ad debiliorem febris motum. Jam subodoratur quid possit febris præcipuè in chronicis. Sed ratiocinio obscurdescunt aures; Ariadnæum in observatione filum quæramus.

F V.

TITUBANTES Medicorum gressus dirigit ac firmat observatio. Hanc ducem presso pede semper sequi nitantur? nullam fidem nancisceretur dissertatio nostra, nisi foret patrocinio observationis fulta. Si Hippocratem evolvam, se se offeret morbus refractariæ admodum indolis mediante febre solutus. » Quartana quidem securissîma est atque libertatis » vindex epilepsia. Quartana febris epilepsiam sanat: sanat quia redintegratio- » nem affert partibus è naturâ egressis, modò tamen febrem non sequatur epilep- » sia. * » Febrem enim convulsioni supervenire melius est, quam convulsionem feбри. * Sunt adhuc permultæ aliæ observationes in libris sparsæ quæ de medelâ plurium chronicorum febre solutorum mentionem faciunt. Etenim nonne videre est plurimos infantes delicatioris admodum texturæ ægra vix trahentes corpora qui, ut limen pubertatis salutarunt, beatiorum vivunt vitam, febrique tunc ingruenti id referre debent beneficii quod à tribus morborum reliquiis liberi impofterum evaserint. Rachialgia quotidie, febre superveniente, paroxysmorum redeuntium serie solvitur. Præcitos non latet pertinaces ophthalmias, surditates, paralyfes incompletas præsertim apud juniores, citâ febre, fugam moliri nunquam redituras. Nonne aliquando observantur Phryses quædam in primo statu, quas tollit fau-

* Duret. im-
coac. p. 237,

28.
* Hip. Aph.
26. secti 21.

tus instituta crisis eventus. Sed crises absque febre non absoluntur. Jam diximus quò tendere debeat curativa chronicorum methodus. His in salibus vitia cadunt & in solida, & infuida, Natura per se humorum coctioni favere nequit; necessario requiritur ut laboranti naturæ præsto adfint remedia, & quæ tunc usurpantur auxilia, ex aperientium censu eliguntur. Medicamina quæ vi aperitivâ pollent, concretam habent actionem, id est, suos erga solida & fluida exerunt effectus, & si non semper celerior videatur horum efficacia, incusandus est timor quorundam Medicorum qui febrem accendere damnosum putant, his in circumstantiis rati ægrum, si tunc ingrueret febris acuta, ad plures migraturum. Sed quam inanis est timor! Sagax Medicus pro nutu febrem laxis habenis excitare, aut refrænare potest: Aliunde *« homo integer quasi novâ incude refingendus est. . . . »* & *« voto frustrabitur is qui in hoc aliove morbo chronico omnem curationem medicamentis solis absolvi posse aumat. »* Confugiendum igitur ad auxilia præstantioris momenti, & in chronicis sequi decet monita quæ dedit immortalis Boerhaavius dum de melancholiâ scriberet: *In his remidiis indicatis pergendum est, donec febris signa dat materia mota.* Dum verò corpori ingeris aperientia, febrem suscitās; fluida enim motus circulatorii vim ac efficaciam à nisu vasorum contractili mutantur. Si fibris quibus coalescunt vasa addatur stimulus, in vegetiores motus erumpent, fluidaque vividiori propellent impetu. Cum autem in chronicis plerumque nimium debilitata sit solidorum compages, nimium viscida humorum crasis, multum profectò emolumenti percipiendum venit ex medicaminibus quæ, dum solidis aculeos emittunt, dum circulationis rotam celerius agunt, causis morbi tutiori viâ medentur. Si fortè chronicus affectus ortum repeteret a debilitate vasorum, aliud foret calcandum iter, & veritas hæc facillè illucescit, cognita aperientium naturâ, Aperientia sive mineralia, sive vegetabilia sive ex regno animali deprompta, suas obtinent vires à principio stimulante quo copiosius prægnat regnum minerale: hinc cautè admodum cum aperientibus mineralibus mercandum. Vis illa stimulans, mox memorata, a sale seu acido seu alkalino natales ducit. Ad genuinam effectuum explicacionem non proferam in medium decantata illa spicula quibus ista medicamina humores incuneare, ac frangere veteribus videbantur. In animum inducimus humorum attenuationem pendere à sale variis liquorum moleculis interposito, qui quidem sal fibras pungit, stimulat idque efficit ut vividiori fibrarum motu, fluida jam diluta mediante liquore salino magis ac magis comminuantur. Hinc videre est quam prudenti cautelâ in

principio chronicorum adhiberi debeant aperientia. Nam pro variâ idiosynchrasîâ varios sortiuntur effectus, diversorum etiam casuum ratio haberi debet. Variis enim modis peccare potest sanguis, aut viscidus est & tenacioris est indolis limpha, aut spissus evadit & non sufficienti diluitur limphæ copiâ, aut nimia prægnat ferositatē, & per meatus in statu naturali impervios sibi pandit iter. In tribus hisce casibus non æqualiter tutus primâ fronte videri debet aperientium usus. Nunc intueamur effectus quos exerunt ista medicamina; laxæ nimis fibræ contrahuntur, humor stagnans in interstitiis molecularum quibus coalescit fibra, exprimitur, redintegratur, aut crescit elater, robore majori reagent in humores vasa, disfringitur viscida liquorum moles, circulatioque rapidiori rotâ intra brevius spatium absolvitur. Probant hæc aucta pulsûs velocitas & major caloris gradus. Jam verò essentiam febris posuimus in pulsûs acceleratione; febrem igitur suscitatis, quoties morbos chronicos aperientium ope debellare satagis, & solâ hac viâ optatam moliri curationem potes. Aliundè naturam cujus Minister est medicus, sequeris ducem? sed ut coronam operi imponamus, quibusdam objectionibus paululùm immoremur.

V.

NON deerunt qui sententiam concutere allaborent: monitos velim non ad omnes casus indiscriminatim pertinere nostram assertionem. Reipsâ sæpe tot malis obruitur fatiscens natura, ut nullum supersit articuli auxilium quo fractas erigat vires. Tunc cautè abstinendum est ab armis quibus labem inureret infelix eventus, & ut ait Celsus, non infamandum remedium aliàs profuturum. Dum v. g. ultimum gradum jam emensa fuit phthisis pulmonalis, nimîa labe inficitur sanguis ut ad leges coctionis componi possit humor inimicus, sufflaminatoque impuræ colluviei fomite redintegrentur viscerum functiones. Circa alios morbos aliis premimur difficultatibus. Quando spasmus validè intenditur, si tunc suscitaretur febris, cum fibræ jam rigeant, metuendum foret ne accenderetur ignis nullâ extinguendus arte. In hoc rerum articulo obtineatur remissio, postea ad propositam opem confugiet qui insarctum tollere voluerit. Si spasmus à solâ obstructione natalis ducat, nullâ aliâ arte solvitur quam suscitato alio spasmō febrili. In chronicorum curatione alia adhibenda sunt auxilia quæ respuere mens non est, ut exercitium quo mediante tonum recuperat fractus

solidorum elater, rectius instituitur secretionum ordo; excretaque felicius amandantur, ut purgantia, quorum dabit consilium materia turgens. Hinc ratiocinio & observatione suffultis liceat optatam deducere conclusionem.

Ergo ad sanandos chronicos affectus est, ut plurimum excitanda febris.

DOMINI DOCTORES DISPUTATURI

<i>M. Henricus Jacobus</i> <i>MACQUART</i> , Cen- sor regius, utriusque Pharmacie Professor.	<i>M. Claudius - Thomas-</i> <i>Guillelmus-GUILBERT</i> <i>DE PREVAL.</i>	<i>M. Michael - Ludovicus</i> <i>VERNAGE</i> , Eques, & Censor Regius.
---	---	--

<i>M. Theophilus</i> <i>DEBORDEU</i> , Eques, noscomii regii & milita- ris Baregiensis Medicus designatus.	<i>M. Jacobus GOURLEZ</i> <i>DE LA MOTTE.</i>	<i>M. Claudius - Antonius</i> <i>RENARD.</i>
--	--	---

<i>M. Petrus - Abrahamus</i> <i>PAJON DE MON-</i> <i>CETS</i> , Eques, Societa- tis Litterariae Catalay- nensis Socius.	<i>M. Joannes - Baptista</i> <i>BASSEVILLE.</i>	<i>M. Petrus - Antonius</i> <i>LEPY</i> , Antiquior Scho- lae Magister.
---	--	---

Proponebat Parisiis ANTONIUS-JOANNES-BAPTISTA-MACLOVIUS

GUENET, Rothomagens, Saluberrimae Facultatis Medicinæ

Parisiensis Baccalaureus, Theſeos Auctor,

A. R. S. H. 1765. A SEXTA AD MERIDIEM.

Typis QUILLAU, Facult. Parisiens. Medicinæ Typog. viâ du Fouarre, 1765.